

«Հըմէցէ՛՛ք հացի»:

«Աղէ՛՛ր տեր հայր, օրհնի՛՛ր հացը»...

Այսինքն՝ սեղանի ճաշը:

Զանգեզուրցիին խոսքի ճշմարտության վկա էր կանչում հացը՝ նրա վրա ձեռքը դնելով՝

«Էս հացը վկա»:

Եվ երգվում էր հացով:

Զանգեզուրը փուռը և փռան մեջ հաց թխելը չգիտի: Դրա համար նա ունենր քօօնը կամ քօւէնը, մինչդեռ նրա հարեան թուրքը սիրում էր ավելի սաշի վրա թխած հացը: Սաջն այն հարմարությունն ուներ. մանավանդ սարում, ուր ոռքով վեր՝ կարող էր գործադրվել հաց թխելու, իսկ երեսով վեր՝ միս և այլ մթերք տապակելու համար, քրքավորի՝ թավայի փոխարեն²: Անշուշտ, քօօնը թուրքերի մեջ մտել էր, երբ նրանք Միջին Ասիայի տափաստաններից տեղափոխվել են Կասպից ծովից հարավ-արևմուտք և յուրացրել են սույնը տեղական բնակիչներից: Նոր քօօնի մեջ հաց թխելուց առաջ նախ օրհնել էին տալիս աղէրին՝ տէրտէրին, որը սրակում է քօօնի պատերը եկեղեցուց բերած օրհնած ջրով: Այսպես վարվում էին նաև հարամած քօօնի հետ: Այս արարողությունն մեջ հավանական գեր էր խաղում և այն մտայնությունը, իբր գետնին վիստում են քաշկէրը, ուստի նրանց մերձենալուց և չար ազդեցությունից պետք է պաշտպանել գետնի մեջ նստեցրած քօօնը:

Հաց թխելը Զանգեզուրումն էլ ամուսնացած, մեծ մասամբ հասակն առած կնոջ գործ էր համարվում: Հասակն առած աղջիկներն ու ջահել հարսները միայն օգնականների պարտականություններն էին կատարում՝ ալյուրն էին բերում, ջուրը, աղը, մաղը, երբեմն նաև հացը բաց անում, բայց երբեք հացը քօօնի մեջ չէին նստեցնում:

Քօօնի վառելիք փայտը տղամարդն էր բերում անտառից, մեծ մասամբ բեռներով, իսկ քթարը առավելապես պատրաստում էին կանայք: Կանայք էին տավարի թարմ քրէքը հավաքում, դարմանախառն ծեփում տան դրսի պատերին կամ բակում փռում էին գետնին ու կօխ տամ՝ կոխկրտում: Երբ քրէքի հաստ շերտը չորանում էր, նրան բահով աղյուսանման կտրտում, կողքի վրա էին կանգնեցնում և վերջնականապես չորացած աթարը կօն-կօն՝ կոնաձև դիզում: Գործածելիս նախ վերցնում էին կօնէրի միջից և ապա պատերից:

Զանգեզուրում ասում են ոչ թե հացը թխել, այսինքն՝ պատին կպցնել, այլ յէփել³, մի արտահայտություն, որը ժառանգաբար անցել էր շատ հնուց, այն ժամանակներից, երբ իրոք հացը յէփվում էր, խմորը տաք ջրի մեջ ձգելով և ոչ թե պատրաստվում էր բոբբոբված կրակի մոտ գնելով:

Լավաշ հացը շատ քէժ կրակ է պահանջում. այդ պատճառով այնտեղ, որտեղ ծնւլ՝ թույլ կրակ տվող քթար էր քօօնում վառվում, թխում էին պոզ⁴ կամ բոփոն⁵ հաստ հացը, որը յէփվւմ է և ծնւլ՝ կրակի վրա, իսկ որտեղ

² Քօօնը տարածված է նաև Անդրկովկասի և հարևան Իրանի ժողովուրդների մեջ, իսկ հայրենակ բոլոր վայրերում մինչև Սվազ-Կեսարիա նրա հետ արդեն մրցում է փուռը (լատիներեն—fura): Ամասիայի և սեծովեղրյա հայերը արդեն գիտեն միայն փուռը: Քօօնը նրանց անծանոթ է:

³ Կապանում (Արծվանիկ) ասում են՝ հացը թխել:

⁴ Կապան:

⁵ Գորիս: